

I. M. N. 7.  
**MEDITATIONES  
NONNULLÆ  
MISCELLANÆ**

APHORISMIS COMPREHENSÆ,  
QUAS,  
VENIA AMPLISSIMÆ, FACULT. PHILOSOPH. IN  
REGIA, QUÆ ABOÆ FLORET, ACADEM.

AUCTORE ac PRÆSIDE  
**JEREM. WALLENIO**  
PHILOS. MAGISTRO,  
SPECIMINIS ACADEMICI LOCO  
PUBLICE DEFENDET  
**HENRICUS ENCKELL**

OSTROBOTNIENSIS.

IN AUDITORIO ACAD. SUPERIORI

Die m. Febr. XXVII.

ANNO MDCCCLX.

---

ABOÆ, Impressit DIRECT. & TYPOGR. Reg. Magn. Duc.  
Finland. JACOB MERCKELL.

S:æ R:æ M:tis  
MAXIMÆ FIDEI VIRO  
Reverendissimo PATRI ac DOMINO  
**D: NO CAROLO FRID.  
MENNANDER,**

S. Theologiae DOCTORI celeberrimo, Diœceseos Aboënsis EPISCOPO eminentissimo, Regiæ Acad. Ibid. PRO-CANCELLARIO magnificentissimo, Scholarum per Diœcesin EPHORO accuratissimo, Reg. Acad. Scient. Holm. MEMBRO dignissimo,

MÆCENATI MAGNO.

**S**l. Fautrice. Natura. Benigniori.  
Felicius. Ingenium.

Donum. Ingens. Rotundi. Oris. Lingvæque. Diserta.  
Mihi. Contigisset.

Conarer. Certe. Ex. Sincero. Animi. Affectu.  
Virtutes. Dotesque. Ingentes.  
Quibus. Summus. Rerum. Arbiter.  
Instruxit. Largiter.

Te.

Pindi. Nostri. Antistitem.  
Quasi In. Tabula. Designare.  
Verbo. Tantum. Dicam.  
Quod. Citra. Adulationis. Suspicionem. Ullam.  
Vere. Sis. Et. Appelleris.

Patriæ. Gloria.

Decus.

Decus. Fennicæ. Gentis.  
Faustum. Ecclesiæ. Fulcrum.  
Ornamentum. Orbis. Litterariorum.  
Emolumentum. Omnibus.  
Vitæ. Exemplo. Raro.  
Doctrina. Admiranda.  
Inprimis. Miror. Ego.  
Frontis. Tuæ. Serenitatem.  
Gratiam. Oris.  
Gravitatem. Moris.  
Benevolentiam. In. Omnes. quæ. Non. Est. Omnium.  
Accipe. Igitur.  
Humillimus. Rogo.  
**Ab.** Impari. Memet. Meritorum. Tuorum. Præconio.  
Sed. Non. Cultui.  
Pagellas. Has.  
Continentes. Cogitata. Nonnulla. Philosophica.  
Innoxia. Saltem.  
Vulgaria. Vel. Paradoxa.  
Nisi. Ubique. Sat. Solida. Ac. Seria.  
Tuove. Lumine. Et. Acumine. Digna.  
Suscite. Inquam. Eas. Tamen.  
Benigne.  
**In.** Documentum. Venerationis. Minime. Fucatae.  
Obsequii. Tenerimi.  
Quo. Splendidum. Tuum. Nomen.  
Inter. Præcipuos. Prosequeor.  
Perseverans. Ad. Urnam. Usque.  
**REVERENDISSIMI. NOMINIS. TUI.**

*exaltor humillimus,*  
J. W.

HENRICO'S ENCRISTI

Viro Plurimum Reverendo atque Clarissimo,


DOMINI JOHANNI  
ENCKELL,  
Sacellano in Cauhava meritissimo  
PARENTI OPTIMO.

**N**on e longinquò petenda est ratio, cur Meletemata hac Philosophica, Specimini Academici loco a me defendenda, TIBI, Parens optime, omni qua Filium decet pietate dicata esse volui. TUI enim, quam primum lucem hanc adspexi, me amore vere Paterno, nullo non tempore complexus es, beneficiisque inde a cunis tantis me cumulaſti & indies adhuc cumulare pergit, ut eorum nec cogitatione assequi amplitudinem, nec verbis inire numerum mihi sit datum. Immo, et si res TUA domestica admidum curta obſtare viſa fit, quominus animi TUI, in iis, que felicitatem meam quoconque respectu concernere potuerant, mihi met impertiendis, desiderio ſatisfacere TIBI licuerit; tamen, quam ut mibi quid deſeffet, ipſimet TIBI deſeffe maluisti. Accipe igitur, Parens Indulgentissime, benigne munus hocce chartaceum in tesseram animi erga TE mei gratiſſimi nunquam emorituri. De cetero Summum Numen calidiffimis ſemper compellare precibus non intermittam, velit adverſe, quacum luctari, fortuna vulnorum in ſereniorem commutare, vires TUAS etate jam jam ingravescente debilitatas corroborare, annosque TUOS ad ultimos usque mortalitatis terminos prorogare.

Sic ex imo vovet pectore

PARENTIS OPTIMI

obedientissimus filius,  
HENRICUS ENCKELL



A. B.

## APHORISMUS I.

**A**D ferendum rite judicium de scripti  
licujus pretio, non sufficit ad ipsam substrata  
tam materiam unice attendere, nec verita  
tes ipsis rebus convenientes accurata methodo per  
tractatas simul requirere, sed stili maxime quoque  
habenda est ratio; quem brevitas, nitor, perspicui  
tas, sales & acumina imprimis commendant.

Incredibile est, quantum valeat purus, simplex  
ac venustus stilus ad erudiendos ac convincendos  
hominum animos. Hæc sani coloris eloquentia, ve  
ritates duras, siccas & severas, svavi facilique  
dictione mitigat legentiumque animis blande insinuat.  
Sterilibus argumentis copiam affundit, in tri  
tis & contemtis pondus detegit, horrisona reddit  
amœna, difficultia vulgari captui applicata. Con  
tra, argumenta per se stringentia & quæ sunt mo  
menti maximi, gravi adque certas regulas nimis  
coacta expositione vilescent & jejuna evadunt.

A

Scripta

Scripta itaque melioris notæ, non minus decenti stili vivacitate indigent, quam terecula gustui bene attemperata sale aliisque condimentis. Moralia præsertim, in philosophicis, libero, urbano ac festivo stilo exarata, palmam omnino præcipiunt iis, quæ rigide nimis ac methodice sive demonstrative efferruntur. Quemadmodum optima, sine dubio, vita humanæ est ratio, ubi gravitas comitasque ita miscentur, ne illa in morositatem vel tristitiam, hæc in petulantiam degeneret.

## APHOR. II.

**A**uctores & amatores paradoxorum, sive a communi sentiendi lege recendentium opinionum, non ideo contemnendi sunt vel temere damnandi, modo asserta eorum in sanctissimas veritates Religionis manifesto non incurvant. Prodit enim istud, si ita dicam, novaturiendi studium, sæpe subactum magis ingenium quam vulgaria esse solent, nobilem cogitandi libertatem, animum præjudiciis vacuum, cultusque dominantium opinionum nescium. Imo utcunque cogitata eorum primo intuitu rarum assensum inveniant, ansam saltem aliis præbent, res varias penitus inquirendi; quo facto multa pro veris vulgo adoptata dogma ta sibi haud constare demum animadvertisitur.

## APHOR. III.

**N**on minus miramur curiosam magis ac futilem quam utilem quæstionem de divisibilitate materiae

teriæ in infinitum, arduæ adeo inter eruditos (præsertim recentiores) disputationi ansam suppeditasse eorumque tantopere ingenia torsisse; quam, *infinitam tandem divisibilitatem* mathematicis demonstrationibus extra dubium positam plerisque vide ri. Conclusio eorum metaphysicis nixa principiis hoc redit: In quocunque ac utcunque exiguae particulas compositum aliquod sit resolutum, concipere semper licet numerum, earum multitudine majorem, singularumque dissectionem in minores semper minoresque; quia, ceu materiales, quantitate sua atque extensione qualicunque necessario gaudebunt. Præterquam vero quod idea infiniti captum humanæ mentis transcendat; num quocunque cogitare vel fingere possum ideo effectu possibile est dicendum? Aut quidni, continuata divisione, tandem obtineantur particulæ, quibus minores imaginatio humana non est parere apta? Hæc enim, ceu finita, suas agnoscat necesse est limes, ultra quas progredi non datur; imo assere re audemus imaginationis vim oculorum nostrorum acie longius haud pertingere, h. e. minus vel majus quid mente repræsentari non posse quam sub oculos cadit. Dicimus tantum minus semper minusque concipere nos posse, revera autem minimum concipimus. Quid est conceptus, nisi image quædam seu adumbratio rei perceptæ in mente? Quid imaginatio? nisi facultas cogitandi de rebus non existentibus seu absentibus, vi præcedentium perceptionum sensualium. Adeoque imagina-

3 4

tioni obversari nihil potest nisi quod oculis cerni posset si existens vel præfens esset. Unde tritum illud, nihil est in intellectu, quod non fuit in sensu; adeoque, minus sine fine concipere minimo quovis perceptibili, inanis tantum est loquendi formula. Faciamus e. gr. periculum lineam mathematicam nobis repræsentandi, quæ longitudo crassitiei expers dicitur. Jam tenuissimum tensum capillum ob oculos ponamus; nonne hic imaginem lineæ ita exprimit, ut, si imaginatio adhuc subtiliorem tentet, idea nostra lineæ simul evanescat vel cum distantia confundatur. Sique ideam puncti adhuc exactiorem, quam quæ ex intuitu aciculæ in acutissimam apicem desinentis desumitur, poscimus, nonne incassum laboramus. Similiter cum monadibus sive atomis corporum sese res habet. Valent de his verba Fontenellii: *Ce n'est pas à l'imagination à pretendre se le représenter, elle ne peut aller plus loin que les yeux.* Frustra etiam hoc in punto ad demonstrationes mathematicas provocatur, inferendo: quia de extenso geometrico seu genere, demonstratur infinite multis lineis distinguvi illud posse, de extenso materiali sive corpore, tanquam specie, idem valere necesse est. Nescio sane, quid de tali conclusione dicendum. Dum enim extensi Geometrici sine fine divisibilitatem ostendunt, patet saltem, numerum linearum dividentium definiri non posse; Ideoque infinitum appellari; Imo, lineam periculo expositam ad aliam in infinitum porrectam certam habere relationem, quasi data vel dabilis hæc esset.

Non-

35

Nonne pari ratione dici posset ipsum punctum  
in infinitas designari partes, per quod ductæ con-  
cipiuntur innumeræ semet intersecantes lineæ? quod  
definitioni puncti manifeste repugnat. Verbo: in  
confesso est, nulla arte humana divisib. corporum in  
infinitum institui posse; attamen, regeris, Divina. Re-  
spondeo, ignorare nosmet quomodo prima corpo-  
rum initia sive stamina se habeant ad omnipoten-  
tiam Divinam, an huic commissa non nisi anni-  
hilari queant & conservari vel etiam sine fine  
dividi & resolvi, qua operatione ipse Deus ni-  
hil efficere posset; Adeoque divisibilitatem mate-  
riæ in infinitum inconceptibilem pronunciamus.

#### APHOR. IV.

**S**i quod studii genus aliud, Metaph. certe cogni-  
tionis humanæ limitationem ac vanitatem ar-  
guit. Quæ enim Scientia alia inanum speculatio-  
num, inextricabilium quæstionum, inutiliumque  
disputationum est feracior? Harum classem jure  
suo occupant celebratissima ibidem problemata de  
divisibilitate materie in infinitum, (quod sigillatim  
præced. Aphor. modo tetigimus) de pluribus mun-  
dis possibilibus, mundoque optimo, de aeternitate successio-  
va, essentiaram aeternitate, spatio sive extenso infini-  
to, evitam simplicium natura &c. Quæritur nim.  
ac sollicite inquiritur, an & quatenus Deus ex in-  
finitis, quos sibi repræsentavit mundorum Systema-  
tibus, præsens hoc, in quo vivimus, ceu optimum

præ cæteris possibilibus omnibus creandum elegerit; quem tamen tot malis refertum nosque incommodis undique prenientem dolemus. An extensum sive spatium infinitum sit absolute possibile vel impossibile? Mirum sane! in quam infinitos cogitationum labyrinthos incidimus, vacando quæstionibus ejusmodi abstractis supraque limitati nostri intellectus sphæram positis. V. gr. circa ultimo allatum quæstionis momentum uti reliqua, primo omnium quærere possum an, quod in conceptu nostro contradictiorum ac impossibile videtur, ideo vere sit tale in se suaque natura sive in immenso intelle<sup>et</sup>tu Divino? Frustra omnino, nostro concipiendi modulo, universum hoc, cuius nullos cernimus terminos, metiri, vel spati mundani in infinitum extensi actualitatem, possibilitatem vel impossibilitatem determinare conamur. Adquiescant conceptus nostri nimium evagantes metæ atque limitibus quas sensus externi situsque noster in mundo reliquis constituere ipsis videntur. Hunc in sensum, pro more lepide simul ac vere, ita differit Fontenellius (ultramarum stellarum fixarum contemplationi intentus):  
*aussibien nous voilà arrivée à la dernière voute des ciels, & pour vous dire s' il ya encor des étoiles (d'étendue) au dela, il faudroit être plus habile que je ne suis. Mettez y encore des mondes n' y en mettez pas, cela depend de vous. C'est proprement l' Empire des Philosophes que ces grands Pays invisibles, qui peuvent être ou n' être pas si on veut, ou être tels que l'on veut, il me suffit d'avoir mené votre Esprit aussi loin que vont vos yeux.* Idem

Idem de decantata *essentiarum æternitate, æternitate successiva, mundis possibilibus &c.* esto judicium, quæ ingeniose magis ac subtiliter quam utiliter, ne dicam stolidè magis quam solide, in methaphysica pertractantur. Nec melius sibi constare videntur quæ de entibus simplicibus tam operose statuantur ac demonstrantur, quamdiu tota de illis disputatio nititur *notioni isti negativæ*, qua, in oppositione ad corpora, compositionis omnis partiumque expertia dicuntur. Vi cujus mox etiam extensio ipsis denegatur, quasi extensio omnis partium combinationem necessario involveret, aut extensum quocunque aliud præter corporeum, esset absolute impossibile. Nos homines in spatio errantes, cumque corporibus tantum versari assueti, num quæso ullius ideæ, de substantia non extensa, in loco non hærente nec spatiū occupante, nec motum agnoscente, sumus capaces? Vix ac ne vix quidem. Hæc tamen prædicata, naturæ entium simplicium, scilicet spirituum, repugnare, fiderenter asseritur. Quis nostrum certo determinabit, entibus simplicibus competere non posse quamcunque extensionem finitam, continuam ac indivisibilem, nobis plane incognitam, quamvis magni nominis Wallerius noster appellat *ens simplex extensum* contradictionem in adjecto. *Prænot. Th. I. § 213.* Hinc etiam miramur eundem Celeberr. Virum in hæc semet verba explicuisse: *Verum est nos nullo phasias beneficio posse nobis representare Deum non extensem, at inde uon fuit nos non posse concipere Deum*

*um esse ens simplicissimum nam id demonstrare valemus ideoque intellectu capimus Præn. Theol. p. I. §. 215.*

Absit vero ut animadversionibus hisce de justa sanæ ac temperatæ Metaphysicæ dignitate aliquid detractum velimus. Tricis enim repurgata subtilibusque disputationibus, de argumentis ingenium eludentibus ac inutilibus, proscriptis, continet Scientiarum hæc Regina veritates latissime patentes, simplices, jucundas, utilissimas. Acuit ingenium, planis sanisque ideis mentem imbuit, principia cogitandi & in reliquis scientiis feliciter progredendi suppeditat convenientissima. Verbo: Divini aliquid spirat; & quemadmodum humani intellectus vim ostendit, ita impotentiam ejus ac stultitiam, ultra quod par est progredientis, simul graphice exprimit.

#### APHOR. V.

**Q**UAMVIS *Doctrina Moralis* post Theologiam, præstantia ac utilitate maxime sit conspicua; quantum animæ humanæ perfectionem ac polituram, seu decentem vitæ institutionem morumque emanationem respicit; Minus tamen placere, imo siccam & sterilem præ cæteris Philosophiæ partibus eandem occurrere fatemur, si methodo rigida Philosophica tradatur. Scientificam ejusmodi doctrinam moralem offendimus in plerisque Systematibus philosophicis, seorsimque editis Philosophiis Practicis, in quibus officia, virtutes ac vitia, juxta regulas metho-

methodi explicantur, h. e. ex principiis Legis Nat. per concatenatam definitionum ac propositionum seriem evolvuntur. Quapropter Philosophia haec Moralis, quæ veritates in se minus gratas, serias, omniumque simul hominum animis connatas atque familiares operose demonstrat & inculcat, parum penes ejus studiosos efficit, quia legentes parum afficit. Lectio Disciplinæ ejusmodi Moralis plerisque, erectionis præfertim indolis, tedium facile creat, nauseam potius movet quam discendi cupiditatem fovet, nedium officii admonet. Si vero præcepta moralia minus Philosophice s. demonstrative, magisque festive, h. e. lepidis narrationibus, exemplis & fabulis involuta, vulgari ac facili stilo traduntur, longe & jucundiora lectu & faciliora perceptu evident: Ex consulto itaque Philosophorum multi, varia nobis reliquerunt scripta moralia, specioso hoc, naturali, gustum titillante ac conscientiam vellicante stilo induita. Verbo: succi, salis & acuminis plena; qualia sine voluptate & emolumento legi non possunt. Scimus equidem hujus generis scripta a Catonibus multis, l. ignaris ac præjudicio occupatis, respui, imo ineptiarum, fictionum ac luxuriantis ingenii commentorum nomine diffamari, vel ideo, quod hunc in computum præter simplices morum doctrinas, scriptaque Satyrica, etiam veniant sic dieti Romane ac Comediae. Qui mitius de hisce judicium ferunt, animi otiique fallendi gratia easdem exaratas esse legique posse concedunt. Ast præterquam quod etiam hæ

cum fano judicio ac delectu lectæ, delectent, quin etiam opinione uberius ac commodius instruant, nemo inficias ibit. Jure itaque talem docendi rationem in Philosophis suis Potuanis commendat illustris Hollbergius, pulcherrimo hoc effato: *Doctores publici, quæ utilia monitu svasuque sunt, non severæ, non imperiose præcipiunt, ut Philosophis nostris mos, sed festivos delectabilesque apologos commenti, res salubriter animadversas cum audiendi quadam illecebra inculcant.* It. subt. p. 103.

## APHOR. VI.

**I**ntra corpora in mundo hoc adspectabili maxime spectabilia eminet stupendum illud cœlestis, Solis titulo insignitum, quod multiplici nomine singularem meretur attentionem. Non solum primus ejus adspectus fulgore rutilans, verum imprimis vis calefaciendi, qua terrena quævis foveat ac vivificat, atque speculorum causticorum ope comburendi, (adeo ut ipsa metalla fundat inque scorias & fumum convertat) igneam ejus substantiam evincunt. Enumerati enim solius ignis sunt effectus. Licet autem inter eruditos facile conveniat Solem ignem esse, in doles tamen ejus specifica, aciem fere oculorum ingeniorumque hactenus penitus fugit. Num ex purissimo per se persistente igne totus constabit? An globi solidi intensissime candentis, aut liquefactæ continuoque ebullientis massæ aureæ ad instar se habebit, vel num denique struis lignorum, flammis quaquaversum correptæ & deflagrantis speciem sustinebit? quamvis ignem solis, lignis fove-

foveri ideo non existimemus. Si purus & simplex ponatur, similis ignis per experientiam concii non sumus, nec unquam in natura deprehendimus. Si alterum, nonne utcunque densum grandisque voluminis, tractu temporis refrigeraretur penitus & obscuraretur corpus solare? Si tertio rursus, liquida & ebulliens creditur massa Solis; ubi furnus igne necessario instructus ad continuam ejus coctionem subijciendus erit? Supereft denique ut nobis figuremus Solem ceu immensae molis ignem, cum peculiaris materia, basi ac alimento illi servientis, proportionata quantitate arctissime connexum & conglobatum: Præterquam enim quod experientia quotidiana in aprico sit, omnem ignem nutrimento indigere, sine quo prodire & persistere nequit, maculae etiam Solis non purum ac simplicem, sed materia heterogenea commixtum (h. e. pabulo suo instructum) ignem Solarem arguere videntur.

Ex hac hypothesi, quamcunque demum copiosum ac fixum Soli tribuatur fulcrum ac fomentum, non potest non vicissitudini alicui, utcunque lentæ nobisque insensibili, obnoxius cogitari: Hinc aliquando sponte interire & exstingvi posse Solem, suspicabatur Cartesius. Nec sponor nobis est Fontenellius horrendum istud fatum Soli nostro imminere non posse dum ita argutatur. "Si le Soleil est un feu attaché à une matière solide qui le nourrit, nous n'en sommes pas mieux la matière solide se consumera. Nous l'avons déjà même échappée

belle diton. Le soleil a été tres pâle pendant des années entieres, pendant celle, par exemple, qui suivit la mort de Cesar. C' étoit la crûute qui commeuoit à se faire; la force du Soleil la rompit & la disparut, mais si elle eut continué nous étions perdus."

## APHOR. VII.

**N**ominatus modo *Fontenellius* in limine examinanda quæstionis de præcellentia in artibus & scientiis, antiquitatine an recentioribus tribuenda, lepida similitudine, ab arboribus pristini ævi hodieque crescentibus dësumta utitur. Sensus nempe ac nervum quæstionis eo fere recidere ac si quæreretur: an arbores quæ olim in silvis visebantur hodiernis nostris arboribus proceritate præstiterint, aut contra. Non attendit vero vir ingeniosissimus rem aliter longe se habere in arboreo genere quam eruditorum Republ. Arbores enim foliis naturæ a Creatore semel constitutæ sunt progenies, quæ e sinu Terræ, pro indole singulis speciebus destinatorum semen, juxta constantes leges physico-mechanicæ sponte per omnia secula procedunt atque ad certam ex crescunt magnitudinem. Viri autem docti ingenioque valentes fungorum instar non nascuntur. Ingenii vis atque habilitas, quæ, in viris veteris ac novi orbis eruditi, par potentia utique supponi potest ac debet, plurimum quidem confert ad scientiarum artiumque Magistros fingendos. Facultates autem naturales, arte atque industria excolendæ sunt & exercendæ,

quo

quod sit diverso cum successu, pro ratione ipsorum temporum, scientiarum indolis, institutionum politicarum aliarumque circumstantiarum maxime variabilem. Quarum itaque in comparatione ista rite instituenda simul habenda est ratio.

APHOR. VIII.

**S**i de dogmate Epicuri sumnum bonum in voluptate collocantis nostram feramus sententiam, idem impium adeo ac absurdum, uti vulgo habetur, haud censendum est. Distinguendum enim est inter voluptatem animi & corporis. Si hanc in primis aut unice commendaverit protervus ac impius philosophus, dabimus quod falsum perniciosumque statuerit. Nam vero si intellectam voluerit, non possumus non ipsi assentiri. Indolem enim animae humanae, cum sine Sapientissimi ac benignissimi Conditoris si perpendimus, patebit summam felicitatem hominis consistere in acquiescentia in se ipso h. e. gaudio de supremo bono, cuius in DEO particeps est. Qui status est voluptatis, quam persentiscit ex consideratione perfectionum suarum in communione cum DEO earum auctore ac fonte boni inexhausto, qui perfectissimae suae felicitatis radiis mortalium mentes jam in hac vita beare dignatur.

Fatetur voluntates quaslibet sensuales, sive corporis delicias, cum voluntate quam animae adjudicavimus, vulgo confundi, quatenus illae animum simul adscendent, proprie tamen ad animam immortalem non pertinent, quatenus sensibus u-

nice externis percipiuntur perque organa corporis in sortem animae cadunt, cuius insuper desiderium temporalibus, corporeis & caducis rebus satiari nunquam potest.

## APHOR. IX.

**Q**uominus adamata adeo & communi fere Philosophorum consensu adprobata hypothesis de *animabus brutorum* pro certa venditari queat, obstat ipsa animae, ceu substantiae simplicis, natura; vi cuius, omnis ex partibus compositionis nescia proindeque nec earum resolutioni, seu essentiæ suæ destructioni, obnoxia censetur.

Exspirantibus enim animalibus statuendum est: animas eorum corpore solutas in existendo adhuc persistere, aut configiendum ad immedietam extraordinariam DEI Omnipotis operationem, quâ, simul cum exanimatis corporibus, illæ, alias non perituræ, in nihilum rediguntur. Si prius, perplexæ oriuntur quæstiones de statu animarum brutarum; ubi hæreant; num sparsæ vagentur, vel in certo loco congregatæ subsistant, quamdiu vel quem in finem durent, vel num denique per metempychosin quandam Pythagoricam migrant & transfundantur in aliorum, nascentium animantium, embrionata corpora? Quæ circumstantiae omnes meras pariunt absurditates, easdem (occasione nominatae hypotheseos) perpendenti.

Admissa rursus annihilatione, miracula, præter necessitatem ullam, gratis singuntur ac multiplicantur.

Prætet

Præterea si incredibile est, uti nec cuiquam in mentem facile veniet, muscis, vermis, cæterisque despctis animalculis, quæ pedibus calcamus indiesque catervatim & procreari & necari cernimus, animulas inesse; nescio sane quo jure tanto-pere jactentur animæ brutorum majorum. In *exiguis* enim sique dictis *imperfectioribus animalibus*, æque aptas, expeditas ac perfectas vitæ & Oeconomiae functiones animadvertisimus, ac in grandioribus.

## APHOR. X.

**E**X iis quæ in antecedentibus tetigimus Philosophiaæ momentis, facile, quisquis es, l. bene-vole colligere poteris, nos quidem cognitionem humanam magni haud facere, nec animum esse hac magnopere superbire. Quocunque contemplationes dirigimus nostras, pauca admodum certa nobis sunt patulaque; utpote nec constantem ac genuinum *hominis characterem* stabilire ulli datum est mortalium. Sua enim cuilibet mens, propria cuique est cogitandi ratio. Hinc jure a nobismet postulamus invicem ne unus alteri suæ philosophiaæ circulos turbet.

Redeamus ergo jam paululum ad nos ipsos. Mirati passim sumus in hoc opusculo, contentiones de minutiis & imaginariam eruditorum eruditionem; quod autem maxime nos percellit, est, animal hoc bipes, nudum atque erectum, anima immortali donatum, omnia quodammodo intelligere, præter se ipsum. Non solum faciem terræ quaquaversum perlu-

perlustrat, sed in viscera quoque ejus penetrat. Imo cogitationibus suis supra nubes lunanque scandit, attentionem suam variorum ope artificiorum cœlo affigit ipsaque astra movere quasi nititur.

In animantium classe, ubi ipse homo præsidet, non minus Elephantis naturam & vires cognoscit ac moderatur quam acari in caseo economiam rimatur. Sic sui quasi oblitus, per vastam mundi hujus scenam expatiatur homo, in se ipsum vero reversus, talpa est domi. In animæ enim sūæ substantia, indole, viribus, affectibus & inclinationibus pernoscendis hæret penitus ac cæcutit. Hæ quippe ita plerumque sunt comparatae ut rationes earum minime reddere queamus. Miseram, occultam ac miserandam istam hominis indolem sine dubio perspexit eximius olim philosophus Seneca, perplexam hanc & contemptibilem sapientiæ humanæ ideam exhibens: *Sapientia hominis est, idem velle ac idem volle.* Nobis cum poëta Gallo coronidis loco monuisse placet: “*De ce sublime Esprit, donc ton orgueil se pique, Homme quelle usage fais Tu? Des plantes des metaux Tu connois la vertu, Des differens Païs les moeurs la Politique; la Cause des frimats, de la foudre, du vent, des astres le pouvoir Supreme, & sur tant des choses Savant Tu ne te connois pas Toi même*”

S. D. G.

